


宋史新編

傳百冊四之五



五十七

			五	漢
			九	書
			八	門
			二	
五	九	架	函	號
冊	類			

庫	文	閣	內	
二	六	函	五	漢
二	九	冊	五	書
架	冊	號	類	

內閣文庫	
番號	漢 5102
冊數	59 (55)
函號	286 75





宋史新編卷一百九十二

列傳一百三十四

明南京戶部主事莆田柯維騏編

外國

淺草文庫

夫夷狄國於四垂之外族類風俗不與華同故先王謂之荒服當其內外無虞職貢時脩稍有瑕釁輒彎弓鳴鏑以相加遺蓋山川阻深足以自固而狙詐獷悍其天性也雖然少康興夏樂舞畢陳武王造周絜矢來獻歐陽子迺謂有道未必服無道未必不來豈理之恒乎自唐季迄五代德衰而威不振邊鄙蕩搖幽燕淪沒中國之勢可深憂矣宋興太祖太宗剷除僭偽寰宇底寧于

時契丹貽書請成夏州戮力以從王事東若女真高麗
渤海南若交趾占城勃泥真臘蒲甘三佛齊西若天竺
于闐回鶻大食高昌沙州龜茲之屬或限重溟或隔沙
漠咸靡憚跋涉稽顙闕庭璽琛壘薦府無虛月而党項
吐蕃唃廝囉董氈瞎征諸部與夏州錯叛服無常亦終
有悛心且間獲其助焉方其來也優之宴賚寵之爵命
以廣恩也叛則討之服則舍之非黷武也先王柔遠之
制在宋復何加矣奈數世以降士馬創於西夏金幣靡
於契丹疆宇割於女真而蒙古繼起滅宋尤非常之變
蓋天往小來丁中華否運抑綏禦宏略弗祖宗如耶夫
家古不必論矣契丹女真事與西夏國而纂奕立例與
宋並可乎禮四夷雖大皆曰子蓋卑之也春秋內中國
而外四夷所以立坊也茲尊宋統列遼金於外國與西
夏同詞庶無愆斯義云

遼國上

遼之先出鮮卑有莫那者自陰山徙遼西久之其衆散
處曰宇文氏曰庫莫奚曰契丹元魏以來契丹名見中
國歷隋唐漸拓大漠之境東接高麗西奚國南營州北
室韋阻冷陁山以自固風氣多寒畜牧畋漁以食皮毛
以衣轉徙隨時車馬爲家臣于突厥俗槩與突厥同其

西姓大賀氏有勝兵四萬析爲八部貞觀時酋窟哥請
內附爲置松漠都督府賜姓李窟哥裔孫盡忠死於叛
餘衆悉降于突厥盡忠族人失活開元初復歸附以爲
松漠都督封郡王繼襲數世皆權臣可突于持國被放
弑者凡三遂脅奚衆降于突厥官軍屢爲所敗契丹衙
官李過折斬可突于之首以獻於是過折立未幾可突
于餘黨泥禮殺過折立迪輦祖里爲阻午可汗更號遙
輦氏泥禮卽涅里亦曰雅里奇首之後阻午因立爲夷
離董掌刑碑云天寶四年阻午來降仍賜姓李名懷秀
自失活至懷秀多尚公主懷秀殺公主叛爲安祿山所
破於是楷落立自楷落已上悉賜王爵如失活故三
開成朝獻不絕以其屬回鶻不復寵以官爵會昌二年
回鶻破會屈戌復來附拜幽州節度使爲易回鶻印曰
奉國契丹之印後其王習爾號巴刺可汗欽德號痕德
董可汗勢稍強盛光啓中欽德鈔掠奚室韋小小部種
皆役服之未幾耶律阿保機興
耶律阿保機小字啜里只迭刺部霞瀨益石烈鄉耶律
彌里人夷離董撒刺的之子泥禮六世孫也娶述律氏
亦曰蕭氏契丹故事八部大人推一尤者統其衆歲久
及不任事則協議代之阿保機多勇略善騎射爲衆所

推立久不肯受代七部劫之乃建旗鼓自為一部居古
漢城地宜五穀有鹽池之利用述律計襲殺七部大人
併其衆時梁將篡唐晉王李克用遣使通好遂率兵三
十萬會克用于雲州約為兄弟期共擊梁及梁稱帝反
求梁封册梁許以共滅晉如所請竟不果阿保機多用
漢人教以隸書之半增損之作文字數千代刻木之約
又制婚嫁置官號建宮室乃於有國九年稱皇帝述律
氏稱皇后群臣上尊號曰天皇帝地皇后紀年曰神冊
元年乃梁貞明二年也其年春三月立子倍為皇太子
七月親征突厥吐渾党項小蕃沙陀諸部皆平之凡得
戶萬五千六百是役述律氏從室韋初欲乘虛擄述
律氏勒兵以待奮擊大破之名震諸夷八月陷朔州遂
侵蔚新武媯儒五州二年圍幽州為晉將李嗣源等所
敗三年建臨潢所居城是謂皇都四年修遼陽故城改
為東平郡六年十二月契丹主率兵侵幽州陷涿州復
侵定州為晉王李存勗所敗先是存勗命將討鎮州張
文禮而定州王處直懼禍及已遣其子郁以利說契丹
主入塞以牽晉兵契丹主悉衆而南方王郁之行也定
人皆謂契丹必為患故處直隨為其假子都所廢契丹
主至涿州聞處直廢而都立遂攻中山渡沙河都告急

於存勗將五千騎救之契丹主敗還存勗躡其後見其
宿處環結在地方隅整然雖去而不亂嘆曰虜法令嚴
乃如此也明年改爲天贊元年二年爲後唐同光元年
時契丹主有窺中國之志慮渤海直其後欲擊渤海慮
中國乘其虛乃遣使通好于唐三年六月下令親征吐
渾党項等部九月破胡毋思山諸蕃部十月遣兵踰流
沙拔浮圖城盡取西鄙諸部四年十二月親征渤海明
年正月拔扶餘城遂圍忽汗城國主謹讓降而復叛攻
破之盡有其地方五千里兵數十萬城邑百有三二月
改爲天顯元年改渤海國爲東丹冊子倍爲人皇王以
主之契丹主嘗自號曰天皇王云七月契丹主卒于
餘年五十五改元者三凡十一年述律氏護喪還西樓
遂攝軍國事西樓卽所都之地又有東樓南樓北樓各
相距數百里阿保機常往來射獵四樓之間阿保機用
武得國然崇祀先聖畫前代直臣像爲招諫圖咸足稱
者顧其弟刺葛安端與叔轄底謀叛僅縊叔而弟不之
誅又復用之遼世有內難非貽謀過邪子德光立更父
名曰億諡曰昇天皇帝廟號太祖
德光字德謹小字堯骨述律氏所生倍之母弟也貌嚴
重而性寬仁軍國務多取決之天贊初天下兵馬大

元帥所向奏功天顯初阿保機卒母意屬之倍遂讓德
光於次年十一月嗣位仍以天顯紀年八月葬阿保機
于祖陵置祖州述律氏欲以身殉群臣切諫因斷右腕
納于柩三年三月契丹主得定州王都蠟丸書命奚禿
里鐵刺赴援爲唐將王晏球所敗七月復命惕隱涅里
袞都統查刺合鐵刺兵赴援又大敗鐵刺死焉涅里袞
等數十人爲幽州趙德鈞所執八月遣使修好于唐十
二月遷東丹民實東平升爲南京契丹主頗疑其兄倍
故爲是舉明年復置衛士以伺倍動靜倍不自安唐明
宗遣人潛召之倍謂左右曰我將遠適以成大伯之名
乃立木海上賦詩刻之獨攜高美人載書數千卷濟
南奔詳見隆先傳九年八月契丹主自將南侵拽刺解
里手接飛鴈異之因以祭天地十一年七月唐河東節
度使石敬瑭爲其主李從珂所討用掌書記桑維翰計
求救契丹奉表稱臣約事以父禮割壤酬之九月契丹
主將兵抵晉陽援敬瑭唐將張敬達揚光遠大敗棄甲
如山斬首數萬級敬達走保晉安十一月冊敬瑭爲大
晉皇帝是爲晉天福元年閏月敬達被圍八十日食盡
猶堅守光遠殺之以降契丹主聞其至死不變曰爲人
臣當如此也命以禮葬未幾班師與敬瑭酌別執手噓

欽曰世世子孫勿相忘以兵送之洛從珂自焚敬瑭命
桑維翰爲文紀契丹主援立功十三年晉主遣馮道等
爲冊禮使復以伶官獻十一月改是年爲會同元年是
月晉主遣使以幽薊瀛莫涿檀順媯儒新武雲應朔寰
蔚十六州并圖籍以獻契丹主以皇都爲上京以幽州
爲南京改南京爲東京新州爲奉聖州武州爲歸化州
幽州後又號燕京云是時晉事契丹甚謹歲輸金帛三
十萬之外吉凶慶弔及珍寶飲食之餽使者相屬於道
初表稱臣尊契丹主爲父皇帝其後契丹主令易表爲
書免稱臣稱兒皇帝如家人禮五年晉出帝新立契丹
主遣使讓來書何爲稱孫不稱臣景延廣答曰今上我
國自立與先帝殊契丹主不悅其盧龍節度使趙延壽
明宗壻也謀欲代晉屢說契丹主南侵遂以經略中國
之事委之曰他日當立汝爲帝六年十二月契丹主遣
趙延壽等分道南侵自帥兵繼之七年正月陷貝州二
月兵渡河爲晉師所敗三月契丹主自將兵十餘萬犯
澶州不克而還八年正月契丹主分兵陷邢磁洺三州
三月陷祁州已而晉師逼于陽城戰數十合適大風晝
晦晉諸將皆奮呼大戰契丹兵稍却符彥卿以萬騎橫
擊大敗之契丹主乘奚車退十餘里追急獲一橐駝乘

之而遁九年十一月契丹主復自將南侵晉師拒之於瀛州敗績追奔逐北僵尸數萬喪其二將進圍晉師於中渡用北院大王耶律圖魯計分遣將士據要害絕其饑道十二月晉將杜重威李守貞張彥澤等以食盡勢窮率所部二十萬衆降彥澤等持契丹主諭詔入汴殺開封尹桑維翰遷出帝於開封府署維翰嘗諫不宜絕好得收葬復田里厚恤其家契丹主將至汴出帝縞素牽羊率百官郊迎契丹主不受出帝降慰百官而遣之景延廣捕至以牙等數其罪凡八繫以北去道自殺明年正月朔契丹主備法駕入汴降封出帝爲負義侯彥澤初入汴掠財賄亂宮掖諸將莫能禁至是斬彥澤于市汴人大悅以李松爲樞密使馮道爲太傅和凝爲翰林學士隨命安置出帝於黃龍府后妃宗室俱行契丹主入居晉宮門廡殿庭皆磔犬掛皮以爲厭勝二月朔契丹主登正殿百官朝賀建國號曰大遼改是午爲大同元年升鎮州爲中京以魏王趙延壽爲留守三月契丹主議北歸省母時諸將蕭翰等肆鈔略遠近怨苦思叛晉北平王劉知遠舉義兵起太原諸州鎮多殺契丹守將降契丹主大懼又值炎熱患旱濕乃北歸改汴州爲宣武軍以蕭翰爲節度使守之吏部尚書張礪諫宜

用中國人不聽四月契丹主發汴州以晉文武諸司僚吏嬪御宦寺方技百工圖籍曆象石經銅人明堂刻漏太常樂譜諸宮縣鹵簿法物及鎧仗悉載以行至相州攻城屠之既而謂侍臣曰朕此行有三失縱兵掠芻粟一也掠民私財二也不遽遣諸節度還鎮三也至灤城得疾卒國人剖其腹去胃腸實以鹽晉人謂之帝羝年四十六改元者二凡二十一年德光臻富強之業可謂雄才大略末年三失之訓視秦伯之悔過鄭伯之善處勝蓋無愧焉阮立諡曰嗣聖皇帝廟號太宗

阮字元欲東丹王圖欲之長子德光以人望所歸篤愛

戶部同九年從德光滅晉大同元年二月封永康王四月德光道卒趙延壽銜德光負約即日引兵趨鎮州自稱權知南朝軍國事阮以兵繼至執延壽遂即帝位於樞前六月抵潢河社母述律鍾愛其弟李胡欲立之乃與李胡整兵出禦相持數日用耶律屋質謀各罷兵趨上京既而阮聞述律李胡復有異謀竝囚于祖州九月羣臣上尊號曰天授皇帝改是年為天祿元年追諡父曰讓國皇帝是年劉知遠稱帝國號漢自太原提兵向汴州殺蕭翰所立明宗子從益復以汴州為東京二年契丹主納南唐蠟書議攻漢其將郎五麻荅掠定州孫

方簡既降漢自狼山率衆還據定州三年正月蕭翰謀
叛伏誅二月遷晉出帝於建州給田八十頃十月遣將
攻河北諸州漢遣郭威禦之四年契丹主率萬騎攻邢
州陷內丘等城大獲而還五年正月漢郭威稱帝國號
周遣使告卽位旋遣使獻良馬九月契丹主自將南下
欲會北漢兵伐周至新州祭其父于行宮羣臣皆醉泰
寧王察割等弒之后撒葛只蕭氏乘步輦直詣察割請
收殮并遇害年三十四改元者一凡五年阮輕躁乖周
防耶律屋質嘗奏察割陰謀蕭塔刺葛嘗同察割侍宴
以赤族戒之阮竝不省其及禍宜也璟立諡曰孝和皇

帝廟號世宗

璟字述律德光之長子會同二年封壽安王天祿五年
九月察割等弒逆僭位號諸酋長奉璟攻之嚮殺察割
璟遂嗣帝位號曰天順皇帝改是年爲應曆元年越三
年遣兵入定州周將楊弘裕敗之四年周世宗新立二
月契丹主遣將合北漢兵擊周敗周將李筠三月周世
宗自將兵大敗北漢兵于高平九年四月周世宗自將
兵伐契丹其寧莫瀛三州及益津瓦橋二關相繼降孫
行友復拔易州擒刺史李在欽世宗斬於都市遂以瓦
橋關爲雄州益津關爲霸州關南悉爲周有契丹主謂

其國人曰此本漢地今以還漢又何惜耶十年正月宋
太祖代周是爲建隆元年是年契丹主叔父李胡坐其
子喜隱謀叛下獄死十三年九月契丹主遣兵助北漢
攻平晉軍宋將郭進救却之十二月契丹主拘北漢使
者劉繼文初北漢主父事契丹貢使時至邇年讓其專
擅每留使人不遣北漢主令其從子繼文請命仍留之
前後凡十六人數年乃遣歸十四年契丹主遣撻烈將
六萬騎援北漢於遼州宋將曹彬等敗之十八年三月
敗潢河獲駕鷲祭天地造大酒器刻爲鹿文名曰鹿甑
貯酒以祭天十月宋圍太原北漢主乞兵命撻烈將諸
兵赴之十九年正月己巳契丹主敗懷州獲熊歡飲
方醉馳還行宮夜分近侍小哥與盥人花哥庖人辛古
等六人弑之年三十九改元者一凡十九年環好獵耽
酒喜殺每與臣下酣狎夜以繼日或連飲經旬甚至浹
月以獲鴨除鷹坊刺面腰斬之刈俱鷲失期加炮烙鐵
梳以死寄班都知耶律夷臘葛屢以無辜輕殺諫不聽
而大臣蕭思溫與護思等竝無一言匡救由是營虐益
恣五年之內殺狼人鹿人豕人鷹人鵲人雉人不可勝
計至一日殺鹿人四十四人近侍宰夫雖微過輒手刃
至有支解者於是八不能堪致斯變也賢立諡曰孝安

敬正皇帝廟號穆宗

賢字賢寧小字叫辰阮之。子璟。愛之自幼育于宮中。應曆十九年正月璟遇弒賢率侍中蕭思溫樞密使高勳等將兵奔行宮哭之慟羣臣勸進遂即帝位於柩前號曰天贊皇帝改是年爲保寧元年四月宋太祖親征北漢契丹主遣將分道救之爲何繼筠韓重斌所敗斬獲甚衆憲州嵐州守臣竝以城降宋二年四月契丹主西巡次盤道嶺盜殺北院樞密使蕭思溫九月得國舅蕭海只及海里殺思溫狀皆伏誅十一月契丹主發兵攻定州宋將田欽祚拒退之六年二月契丹主命涿州刺史耶律昌米貽書雄州請通好宋太祖命知州孫全興答書許之十二月以沙門昭敏爲三京諸道僧尼都總管加兼侍中七年契丹主遣克沙骨慎思以書如宋結成宋遣郝崇信呂端報聘自是吉凶慶弔竝遣使往還八年九月宋遣党進等圍太原契丹主命耶律沙等將兵援之九年三月契丹主發粟二十萬斛助北漢十一年乃太宗太平興國四年也正月太宗命潘美等伐北漢契丹主遣使問故太宗答曰河東逆命所當罪若北朝不援和好如舊不然則戰二月太宗自將伐北漢契丹主遣耶律沙等援之三月耶律沙等與宋將

郭進遇於白馬嶺敗績諸將敵烈等數人皆死五月北漢兵失利劉繼文盧俊奔契丹六月太宗既滅北漢乘勝欲取幽薊移兵抵易州契丹刺史劉宇以城降涿州判官劉原德亦以城降進抵幽州城南契丹將北院大王奚底等戰于沙河敗走太宗命諸將宋渥等分兵攻幽州城圍之三市以潘美知幽州行府事契丹將多隆宋七月順州薊州皆降宋太宗與契丹將耶律沙大戰于高粱河沙小却適耶律休哥以援兵至乃與耶律斜軫分左右翼以進復大戰太宗大敗引師還至涿州休哥追急乃乘驢車走免是役宋兵死者萬餘人所喪資糧不勝計和好遂絕九月契丹主命韓匡嗣等分兵侵定州以報圍燕之役與宋將劉廷翰等戰于滿城大敗追至遂城匡嗣棄旗鼓遁惟耶律休哥整兵而退十一月改是年爲乾亨元年二年二月契丹兵抵鴈門爲宋將潘美所敗都指揮使李重誨被獲駙馬侍中蕭咄李死之三月契丹主在行宮有鴉止于帷獲以祭天十月契丹主自將圍瓦橋關太宗親征敗之數日復戰宋兵陣水南耶律休哥率精騎渡水擊敗宋兵追至莫州多殺獲三年五月宋降卒二百人在祖州劫立已廢宋王喜隱前此喜隱數反赦而用之既復有謀事泄囚祖州

遂致是變乃賜死其子伏誅四年四月契丹主自將南
侵戰于滿城兵敗太尉奚凡里中流矢死九月契丹主
獵于雲州得疾卒於焦山年三十五改元者二凡十二
年賢與宋爭衡兵連禍結且崇信沙門縱丞相高勳之
不法政刑紊矣子隆緒立諡曰孝成皇帝廟號景宗
隆緒小字文殊奴賢之長子喜書翰多藝能乾亨二年
封梁王四年九月賢卒卽帝位於柩前時年十二明年
六月尊母蕭氏爲承天皇后攝國事羣臣上隆緒尊
號曰天輔皇帝復國號曰大契丹改是年爲統和元年
四年二月夏州李繼遷叛宋降契丹授交州都督三月
宋太宗遣曹彬米信潘美等分道取幽薊契丹主命耶
律休哥及耶律斜軫等合兵禦宋契丹主與母蕭氏督
之初戰涿州飛狐俱敗將大鵬翼等被獲相賀斯死之
諸城守將艾正等先後降宋旣而休哥敗宋兵復涿州
事詳太宗本紀契丹主以復涿州告天地越三日諸將
獻俘契丹主以近侍所進自落鴉祭天地五月曹彬米
信自雄州復趨涿州休哥等以輕兵薄於途且戰且却
宋兵自救不暇結方陣擊之兩邊而行炎暑乏并漉淖
以飲凡四日始達于涿士乏糧又將盡契丹主與
蕭氏援兵又至彬信失勢冒雨而退休哥出兵躡之戰

于岐溝關彬信敗走無復行伍追及拒馬河溺死不可
勝紀退屯易州方沙河而曩聞休哥兵至驚潰隋岸
相蹂死者過半沙河爲之不流棄戈甲山積宋知幽州
劉保勳死之耶律斜軫亦敗潘美等兵復蔚州乘勝下
靈丘飛狐又復寰州宋將楊業死之雲應朔諸州守將
聞業死皆棄城遁十二月契丹主同母蕭氏復率衆南
侵敗劉廷讓等于莫州誘執知雄州賀令圖陷邢深二
州進薄代州知州張齊賢大敗之殺其二將是月李繼
遷款塞祈婚契丹主以耶律襄女歸之自是累世通婚
六年九月契丹主督兵破涿州降其衆進攻長城士卒
潰圍委城遁招之不降契丹主邀擊殺獲殆盡因攻滿
城祁州及新樂皆陷七年二月契丹主督兵陷易州四
月宋將尹繼倫大敗耶律休哥兵于唐州八年十二月
契丹主遣使封李繼遷爲夏國王九年十月李繼捧叛
宋附契丹封爲西平王十一年正月契丹主遣將伐高
麗王治上表請罪十二年七月女真遣使貢方物自是
通貢不絕十二月高麗進妓樂契丹主却之十三年正
月契丹主遣韓德威將萬騎誘党項勒浪等族侵府州
宋節度使折御卿敗之于子河汭勒浪等乘亂反擊德
威僅以身免宋知雄州何承矩條子河汭之捷以諭民

契丹愧忿未數月率兵抵城下欲襲取承矩承矩敗之十一月契丹主冊王治爲高麗國王遂爲故事十四年王治上表祈婚許之十五年三月契丹主封李繼遷爲西平王遂爲故事十七年十月契丹主南侵與宋將康保裔戰于瀛州保裔沒馬遂攻遂城十八年正月契丹主聞宋真宗親征遂大掠諸州而還宋將范廷召追敗之十九年十月契丹主復南侵宋將王顯敗之於遂城契丹主進次滿城而還二十年契丹主遣將南侵連敗宋師二十一年契丹主遣耶律奴瓜蕭撻凜南侵獲宋將王繼忠于望都二十二年閏九月契丹主同母蕭氏大舉南侵初與宋師戰唐興及遂城俱捷已而命蕭撻凜攻威虜順安軍北平砦及保州俱敗乃與契丹主合衆攻定州宋將王超拒于唐河十月契丹主分兵圍岢嵐軍宋將高繼勳力戰禦之又攻瀛州爲宋將李延渥所敗遂駐兵陽城淀號二十萬是月契丹主命宋降將王繼忠通書議和十一月契丹主乘勝進逼澶州真宗自將禦之軍於城惶間契丹兵直犯前軍而陣未接戰蕭撻凜出按視地形中伏弩死撻凜卽撻覽有機勇蕭氏聞其死哭之勸明日真宗渡河契丹主和議益決各遣使往復蕭氏謂宋使曹利用曰晉界我關南周世宗

取之今宜見還十二月契丹復遣姚東之持書以請
真宗却之曹利用竟定議歲遺銀十萬兩絹二十萬匹
契丹主遂遣丁振持誓書結成南朝爲兄北朝爲弟各
罷兵自是吉凶慶弔各遣使如故事二十三年十月宋
遣使歸幣歲以爲常二十五年正月契丹主城遼西爲
中京二十八年五月契丹將蕭圖玉伐回鶻入甘州復
破肅州盡俘其民八月契丹主謂羣臣曰高麗西京留
守康肇弑君而立詢遂爲相宜發兵問罪國舅詳穩蕭
敵烈諫不聽遂自將伐之詢乞罷兵不許十一月契丹
主率兵伐高麗渡鴨綠江康肇拒戰竟就擒銅霍貴寧
州皆降詢上表請朝許之因以馬保佑等爲開京
守遣乙凜將千騎護以往其守將卓思正殺契丹使者
韓喜孫等十人率兵出拒保佑等復還乙凜擊之思正
奔西京圍之五日不克契丹主駐兵于城西佛寺遣排
押盆奴攻開京遇高麗兵敗之詢棄城遁遂焚開京至
清江而還二十九年正月契丹主班師所降高麗諸城
復叛至貴州南峻嶺谷大雨連日馬駝皆疲甲仗多遺
棄壽乃得渡明年改爲開泰元年四月高麗王詢遣使
乞稱臣如舊契丹主詔詢親朝八月詢上表稱疾不能
朝詔復取六州地二年三年兩遣耶律資忠使高麗取

六州地高麗不從乃命蕭敵烈等將兵討之高麗與女
直掩擊契丹兵大敗以捷聞四年五月復命耶律世良
等總兵伐高麗五年正月耶律世良等與高麗兵戰郭
州西破之斬首數萬級六年復命蕭隗洼及蕭合卓等
繼忠等先後將兵伐高麗蕭合卓等攻興化軍無功而
還七年十月復命蕭排押等伐高麗且諭之降既至戰
于茶陀二河之間遼兵大敗將士沒溺者衆八年復命
將會兵伐高麗王詢遣使乞貢方物九年五月耶律資
忠使高麗還以詢降表進請稱藩納貢歸所留使者只
刺里契丹主遣使釋詢罪并允其請只刺里留高麗凡
六年忠節不屈契丹主以爲林牙明年十一月改爲太
平元年冊子梁王宗真爲太子二年二月契丹主聞宋
真宗訃不待使至先集蕃漢大王舉哀后妃以下皆爲
沾涕命憫忠寺設真宗御靈建資福道場百日而罷仍
命國中避真宗諱四年二月契丹主獵捷魯河改曰長
春河又改鴨子河曰混同江六年八月遣蕭惠將兵伐
甘州回鶻攻城不克而還自是諸部皆叛契丹兵爲所
敗喪其二將復遣耶律洪古等討之九年東京舍利軍
詳穩大延琳據城叛號其國爲興遼年爲天慶契丹主
遣蕭孝穆等討之十年八月東京賊將夜開門納蕭孝

穆等兵擒延琳渤海平十一年六月契丹主卒于大福
河年六十一改元者三凡四十九年隆緒在位理冤滯
察貪殘恤死事之孤振諸部之乏又能却高麗女樂之
獻雖不免黷武勞民亦可謂賢君也子宗真立諡曰文
武大孝宣皇帝廟號聖宗

宗真字夷不董小字只骨隆緒元妃耨斤蕭氏所生其
嫡曰齊天皇后無子取養之封梁王太平元年回爲皇
太子善騎射好儒術通音律十一年六月隆緒卒宗真
卽位於柩前尊耨斤爲皇太后攝國事改是年爲景福
元年初齊天有巧思創宮殿車服之式甚麗隆緒薨之
而與耨斤隙及隆緒疾革耨斤置齊天曰老物能言
既耶護衛馮家奴喜孫等希旨誣國舅蕭匹敵等謀逆
以齊天攝政逮鞫連及齊天宗真謂齊天有撫育恩旣
失皇太后又可罪乎耨斤慮其爲患不從遷之臨潢殺
匹敵等明年三月耨斤誣齊天罪遣人行弒齊天曰我
實無辜請具浴以就死有頃殂耨斤弟北府宰相孝先
實預謀北院樞密使蕭朴屢言齊天冤不報朴忿恚爲
嘔血云十月群臣上母后及契丹主尊號改是年爲重
熙元年三年耨斤陰召諸弟議立少子重元重元白於
契丹主乃收其符璽遷于慶州七括宮八年始迎還蓋

從臣僚請以覲宋歲聘之利然出入舍止常相距十數里陰爲之備十年乃宋仁宗慶曆元年也九月夏主元昊以所獲宋將及生口獻契丹十一年契丹主謀侵宋遣使索關南十縣地且問興師伐夏及沿邊增戍疏濬水澤之故諸部會師幽州命蕭惠將之以臨南境聲言伐宋宋兩遣知制誥富弼等議增歲幣契丹主以書答之契丹主隨遣耶律仁先劉六符如宋定議歲增銀絹各十萬與前共五十萬匹兩送至白溝以宋誓書還契丹主感富弼和戰之說和好始定語在富弼傳中十二年夏元昊遣使上表請伐宋契丹主不從十三年五

月契丹兵與黨項戰大敗將校多沒于陣元昊遣兵擊黨項契丹一說通兵晉西南邊討之六月契丹主將騎兵十萬出金肅城九月命其弟重元將騎七千出南路蕭惠將先鋒兵六萬出北路各濟河長驅夏境十月元昊上表乞和退師十里請收叛黨以獻復遣使進方物契丹主遣蕭革送之仍進軍次于河曲元昊親率黨項三部待罪契丹主命革詰其背盟納叛之故賜之酒許其自新蕭惠等皆以爲大軍旣集宜加討伐元昊以未得成言又退師三十里以候凡三退將百里每退必赭其地契丹馬無所食遂許和元昊故遷延俟其弊擊

宋史新編卷一百九十一
蕭惠營敗之乘勝攻契丹主營又大敗駙馬蕭胡覩被
執越數日元昊遣使歸其先所俘獲契丹主亦歸所留
夏使遂罷兵是年升雲州為西京於是五京備焉十八
年夏主諒祚立契丹主親征八月渡河夏人遁乃還九
月蕭惠等為夏人所敗十月耶律敵魯古率兵至智蘭
山獲夏主母及官僚家屬以歸十九年復遣蕭蒲奴等
將兵伐之諒祚母遣使乞依舊稱藩未許諒祚復上表
乞如母訓二十年遣使如夏國索党項叛戶諒祚母表
乞代党項權進馬駝牛羊等物後遣使求唐隆鎮及乞
罷所建城邑契丹主不許隨命以諒祚母及前後所

傳安置薊州二十一年夏主遣使乞弛邊備契丹主及
許降二十四年二月契丹主如混同江召宋使釣魚賦
詩八月卒于秋山年四十改元者二凡二十五年宗真
虧孝贖武又性佻悅喜飲酒博鞠數變服入酒肆寺觀
禁中夜宴自入樂隊酷信浮屠至拜僧為三公三師兼
政事令者獨親策進士晚年與宋夏結和庶可稱云子
洪基立謚曰神聖孝章皇帝廟號興宗

洪基字涅隣小字查刺宗真之長子重熙二十一年以
燕趙國王為天下兵馬大元帥知惕隱事二十四年八
月宗真卒即位於柩前改為清寧元年二年十一月契

丹主上尊號曰天祐皇帝三年九月契丹主再遣使如
宋求仁宗御容宋遣胡宿奉以往仁宗嘗却其初使諭
之曰南朝叔父宜先致恭至是致其像乃許之契丹主
迎謁再拜謂左右曰我若生中國不過與之執鞭持蓋
一都虞候耳七年北院樞密使蕭阿剌爲南院樞密使
蕭惠所讒縊殺之事在阿剌傳九年七月契丹主田于
太子山其太叔重元及其子楚王涅魯古等與北院樞
密同知蕭胡覩等四百人謀作亂敦睦宮使耶律良上
變契丹主命南院樞密使耶律仁先及良等率衛士數
千人禦之母后撻里蕭氏親督戰賊黨多降南府宰相
蕭德同詳穩耶律阿思射殺涅魯古斬其首以獻重元
被傷而退是夜同黨立重元爲帝胡覩自爲樞密使翌
日重元復率奚人二千犯行宮北院宣徽使蕭韓家奴
諭奚人以禍福獵夫投杖首服五院部節度蕭塔刺兵
適召至仁先等共破之事詳仁先傳初重元以叔父被
尊寵及事敗走大漠嘆曰涅魯古使我至此乃自殺胡
覩遁投水死明年改爲咸雍元年正月契丹主冊子梁
王濬爲皇太子二年正月契丹主復國號曰大遼十年
遼主兩遣使如宋議河東疆界明年改爲大康元年二
月遼主復遣使議疆界七月神宗遣使割河東地以分

水嶺爲界凡七百里六月遼主命子濬總領朝政濬生
至是年十八矣十一月遼主賜后死族誅伶人趙惟一
高長命后小字觀音姿容冠絕工詩詞美談論好音雅
尤善琵琶生子濬有專房寵濬自幼聰慧好學善騎射
旣總領朝政法度脩明姦臣北院樞密使耶律乙辛不
得逞其私忌之謀傾后宮婢單登教坊朱頂鶴誣后與
惟一私乙辛以聞從而實之遂賜死歸其尸於家乙辛
譽其姻家駙馬都尉蕭霞抹之妹坦思美宜正位中宮
乃納爲惠妃二年以北面林牙蕭巖壽言出乙辛爲上
京留守惠妃立爲后援乙辛復集百官議召還契丹行
令右護衛太保查刺等告北院樞密使蕭速撒及撒
奔已竄巖壽等八人謀立濬遼主案無狀不治六月乙
辛復令牌印郎君蕭訛都幹等誣首嘗預速撒等謀遼
主信之杖濬命乙辛及其黨北府宰相張孝傑左夷离
畢耶律燕哥等鞫治濬具陳枉狀曰吾爲儲副尚何所
求公當爲我辨之燕哥易濬言爲款遼主怒誅速撒等
廢濬爲庶人囚之上京臣僚知其冤無敢言者惟北院
樞密副使耶律惟信數廷爭不聽濬將出曰我何罪至
是殿前點檢蕭十三叱令登車以去十三嘗爲乙辛言

太子若立吾輩措身何地而燕哥捏濬伏款亦十三謀也十一月乙辛遣其私人盜殺濬以卒聞遼主哀悼欲召其妻乙辛陰遣人殺之四年蕭訛都幹以車服僭稱誅臨刑語人曰前告耶律撒刺事皆乙辛教我今乙辛殺我以滅口耳五年乙辛欲害濬子延禧而請宗室子淳爲儲嗣及遼主出獵又請留延禧勿行北院宣徽使蕭兀納等先後諫不可遼主頗疑之遼主又見黑山扈從官多從乙辛後惡其專乃削乙辛一字王爵封混同郡王六年正月出乙辛知興中府事三月封延禧爲太子是冬宰相耶律仁傑坐乙辛貶本曰張孝傑遼主曰姓更名以比狄梁公實乙辛薦達也仁傑嘗對客昌言曰無百萬兩黃金不足爲宰相家其瀆貨如此七年十一月遼主出幸駙馬都尉蕭酬幹第方飲宰相梁穎諫曰天子不可飲人臣家乃還宮十二月乙辛以罪囚于萊州八年降坦思后爲惠妃出居乾陵先是坦思之妹幹特懶已嫁乙辛子綏也后言其宜子命離昏納宮中至是亦遣還其家九年六月進謚濬爲昭懷太子十月乙辛謀奔宋及私藏兵甲事覺縊殺之十一月進封延禧爲燕王十年十二月改明年爲大安元年是年宋哲宗新立二年七月惠妃母削占以厭魅延禧事覺伏

宋史紀事本末卷之六十一
誅竄其子酬幹妃廢為庶人七年十月命延禧為天下
兵馬大元帥總北南院樞密使事八年夏主遣使如遼
乞援師以拒宋十年拔思母達里底二部侵遼境遣兵
討之降而復叛又擊敗之明年為壽隆元年四年三月
黃河清六月夏主復乞援師以拒宋十一月遼主遣使
諷宋與夏和六年生女真節度使盈歌破紇石烈部阿
疎之城取之先是阿疎奔訴于遼主遣使止勿攻盈歌
以計却遼使竟取之阿疎復訴于遼主遣使命盈歌曰
凡攻城所獲存者復與之否則備償盈歌與下謀曰若
償阿疎諸部不復可號令矣乃令主偃禿答兩水之民
不可遼主即以命盈歌而阿疎城事遂止盈歌聲言
平鷹路而歸遼主賞其功七年正月遼主卒于混同江
年七十改元者五凡四十七年洪基嘗設賢良科置國
子監班五經傳疏優獎斬文高八世同居頗有意於教
化然行謗訕之令重告許之賞讒邪競進賊及骨肉未
年國基寢危諸部反側一日祝髮三千一歲飯僧三十
六萬遼之亡實階于此孫延禧立謚曰仁聖大孝文皇
帝廟號道宗

延禧字延寧小字阿果濬之子也大安七年以燕王總

北南院樞密使事加尚書令爲天下兵馬大元帥壽隆
七年正月洪基卒卽位於樞前號曰天祚皇帝二月改
爲乾統元年六月追復祖母后號仍更諡合葬十月追
尊考妣爲帝后廟號曰順宗二年四月誅耶律乙辛黨
竄其子孫發乙辛得里特及張孝傑蕭十三墓剖棺戮
尸以家屬分賜被害之家十三子二人皆伏誅三年正
月生女真誅遼叛將蕭海里函首以獻語在金國傳十
一月追尊阿保機之高祖曾祖及妣爲帝后廟號高祖
曰肅祖曾祖曰懿祖其祖考妣在重熙末已追尊廟號
祖曰玄祖考曰德祖用翰林都林牙蕭韓家奴之議也

四年十月鳳凰見遼陰五年夏主李乾順遣使求援且
乞伐家遼主遣使諷宋與夏和十年大饑明年改爲天
慶元年二年遼主如混同江釣魚生女真酋長在千里
內者以故事皆來朝適遇頭魚宴酒酣遼主命諸酋次
第起舞獨阿骨打辭不能但端立直視諭之再三終不
從他日遼主慮其雄豪爲後患密謀於樞密使蕭奉先
欲誅之奉先謂無大過恐傷向化心且叢爾何能爲遼
主乃止其弟吳乞買粘罕等嘗從獵能呼鹿刺虎溥熊
遼主輒喜加官爵無何阿骨打舉兵併旁近部族遼主
命咸州詳穩司詰責欲使自新三年阿骨打率五百騎

突至咸州辨對不屈送所司問狀一夕遁去自是召不
復至四年阿骨打兩遣使如遼索阿疎自遼主之立淫
酗好獵知北院樞密使事蕭胡篤每言從禽之樂以逢
其意故國政俞壞廢每歲市名鷹海東青于海上道出
女真使者貪縱徵索無藝女真怨苦之烏雅束屢請阿
疎不發遂以爲辭稍稍拒市鷹使者及是阿骨打屢請
亦不發仍遣使問女真境上多建城堡之故阿骨打慢
語答曰若還阿疎朝貢如故不然城未已也隨發兵叛
擒遼障鷹官已而會諸部兵于來流水數遼罪以誓衆
進攻寧江州遼兵大敗方女真初起群臣請發兵乘其
未備知北院樞密事蕭得里底獨沮之及攻寧江州遼
主射鹿于慶州略不介意江州遂陷遼主乃遣蕭奉先
弟嗣先等將奚軍禁兵及土豪武勇合七千人伐之屯
于出河店阿骨打迎戰混同江會大風塵埃蔽天阿骨
打乘風奮擊遼兵潰將七多死獲免者僅十七人奉先
懼嗣先獲罪輒奏東征潰軍所至劫掠若不肆赦恐聚
爲患於是遼主但免嗣先官諸軍相謂曰戰則有死而
無功退則有生而無罪從此士無鬪志遇敵輒潰五年
正月阿骨打稱帝國號金遼主下詔親征數月之內累
遣使如金諭降不從仍拘遼使語在金國傳八月遼主

督兵十餘萬命阿不奉先等分道伐金發數月糧期必
勦滅九月先鋒部署耶律章奴反謀迎立耶律淳兵敗
伏誅十二月駙馬蕭特末等將騎兵五萬步卒四十萬
從遼主至駝門會都監耶律張家奴反遼主引還金兵
追戰于護答岡遼兵大潰枕藉相屬百餘里輜重寶物
悉為所獲六年正月朔東京惡少年十餘人夜入留守
府殺蕭保先其裨將渤海高永昌據遼陽遠近響應因
僭帝號建元隆基四月金將幹魯古攻高永昌殺之遂
取東京州縣十二月遼主封庶人蕭氏為皇太妃召其
弟酬韓為南女真詳穩七年九月遼主置怨軍八營凡
三萬人屯薊州蒺藜山以郭藥師等為帥欲報金怨故
云怨軍十二月耶律淳與金將幹魯古戰蒺藜山敗績
顯州及旁邑七州皆降金自是宋徽宗與金密議夾攻
遼語在金國傳八年遼主以金主求封冊乃遣使如金
議和金主復書曰能以兄事朕歲貢方物歸我上京中
京興中府三路州縣以親王公主駙馬大臣子孫為質
還我行人及元給信符并宋夏高麗往復書詔表牒則
可以如約凡七遣使議乃定是歲遼山前諸路大饑人
相食九年三月遼主遣蕭習泥烈等冊金主為東嶺國
皇帝七月金主遣烏林答贊謨責遼冊文無兄事語不

云大金而云東懷乃小邦懷其德之義及有渠材二字涉於輕侮遙芬多戩等語皆非善意如更定然後可從十年金主遣使持書及冊文副本如遼遼主以大聖二字與先世稱號同復遣習泥烈使金更議金主怒絕之未幾上京復陷明年改爲保大元年都統耶律余覲降于金時遼主有數子長趙王習泥烈次晉王敖盧幹次秦王定次許王寧晉王文妃所生國人以其賢屬望之文妃嘗作歌諫遼主玩敵怠政忤遼主意秦許王之舅蕭奉先懼秦王不得立謀傾晉王文妃姊適耶律撻曷里姊適耶律余覲一日其姊妹俱會軍前奉先諷文妃死獨晉王未忍加罪余覲懼即率千餘騎奔金遼主遣將蕭遐買寺追及諸途衆議曰主上信奉先言視吾輩蔑如也余覲宗室豪俊不肯爲奉先下若擒余覲他日一黨皆令覲也不若縱之還即給曰追襲不及金主得余覲益知遼國事宜常以爲先鋒將云二年正月金兵克中京進下澤州遼主出居庸關至鴛鴦灤聞余覲引金將婁室索童奮至蕭奉先謂遼主曰余覲欲立其甥晉王耳若爲社稷計何惜一子遼主謀於樞密使蕭得里底等唯唯無一言乃賜晉王死或勸晉王亡

答曰安忍爲最爾之軀失臣子之節遂就縊諸軍聞之無不流涕由是人心解體余覩引金兵逼行宮遼主奔雲中遺傳國璽于桑乾河三月遼主復避金兵奔白水灤至女古處粘沒喝以精兵追襲遼主計不知所出乘輕騎入夾山方悟奉先姦逐之曰汝父子誤我至此誅汝何益奉先哭拜而去行未數里左右執父子縛送金軍長子昂被殺以奉先及次子昱械送金主遇遼兵奪歸遼主竝賜死時蕭得里底父子亦以誤國逐耶律高山奴執送金軍其子死焉得里底亡歸爲耶律淳所得淳已建號知不免不食死淳乃宗真第四孫累討燕王溫奉先黨也已而遼主入夾山數日命令不通處溫與弟處能及子頤外藉怨軍內結都統蕭幹謀立淳爲帝琳不可竟勉從之遂與奚王回鹘保林牙耶律大石及大臣左企弓虞仲文曹勇義康公弼等援唐靈武故事率吏民詣淳府勸進淳方出李頤被以赭袍淳驚駭固辭不獲已從之號曰天錫皇帝改元建福降封天祚爲湘陰王改怨軍爲常勝軍燕雲平及上京中京遼西六路淳主之沙漠已北西南西北路兩都招討府諸蕃部族仍隸天祚自此遼國分矣四月金將粘沒喝等取西

京沙漠以南部族皆降天祚奔訛莎烈是月阿疎爲金兵擒以歸五月徽宗命童貫督兵伐遼种師道趨白溝辛興宗趨范村淳遣耶律大石蕭幹出禦連敗宋師隨遣使責宋黨叛棄好語在种師道傳六月淳寢疾聞天祚傳檄合諸蕃精兵以八月入燕淳驚甚命大臣議李處溫蕭幹等有迎秦王拒相陰主之說南面行營都部署耶律寧不可衆問故寧曰天祚果能以諸蕃精兵大舉奪燕則是天數未盡豈能拒之否則秦湘父子也拒則皆拒自古安有迎子而拒其父者衆以寧扇亂軍心殺之淳歎枕長歎曰彼忠臣也天祚果來吾有死耳

淳死衆議立其妻蕭氏爲皇太后奉淳遺命迎子秦王定改元德興謚淳爲孝章皇帝廟號宣宗處溫父子懼禍南通童貫欲挾蕭氏納土蕭氏數處溫罪賜死繼奕燧之八月遼主遇金軍于石輦驛敗績數日會兵于歡捷新查刺金兵追急棄輜重遁九月涿州留守郭藥師以城降宋藥師同宋將劉延慶入燕爲蕭幹所敗十一月蕭幹與郭藥師戰于永清敗績遼主聞金兵至奉聖州率衛士屯于落昆髓蕭氏五表于金求立秦王不許以勁兵守居庸關金兵至厓石自崩戍卒多壓不戰而潰金兵直抵燕京統軍高六等開門待之左企弓

率百官奉表降蕭氏與蕭幹趨天德軍於是遼五京悉
爲金有十二月遼主由埽里關出居四部族詳穩之家
三年正月奚王回鹵保卽箭竒山自立號奚國皇帝建
元天復二月遼主殺蕭妃追降淳爲庶人釋其黨蕭幹
奔奚四月金兵圍遼主於青塚硬寨太保特母哥竊其
子梁王雅里以遁秦王許王公主從臣皆陷沒數日遼
主復與金兵戰白水樂趙王習泥烈等皆被執遼主遁
去五月遼主奔西夏渡河止于金肅軍北遣使冊李訥
順爲夏國皇帝人情惶懼軍將耶律敵烈等共劫梁王
雅里奔西北部立以爲帝建元神曆敵烈自爲樞密使
其月回鹵保爲衆所殺十月遼主東還居突呂不部梁
王雅里死敵烈立耶律述烈繼之未幾並爲亂兵所殺
四年五月平州張覺倡義迎遼主數左企弓等罪殺之
事詳覺傳遼主謀出兵收復燕雲耶律大石諫不聽大
石遂自立爲王率所部西遁遼主出夾山取天德等州
至武川與金人遇與戰不利奔陰山五年正月遼主奔
党項過沙漠金兵忽至遼主皇遽走免至天德遇雪途
次絕糧左右惟齧冰雪以濟饑二月遼主至應州新城
東六十里爲金將完顏婁室等獲以歸金主吳乞買降
封爲海濱王曾改封豫王在位二十四年改元者三後

以疾終年五十四延禧昏庸惟姦臣是崇是信盤游玩
寇刑政俱紊國本既搖羣下土崩遂至身虜而國滅凡
歷九主傳國百五十年而亡

耶律大石者阿保機八代孫也字重德第進士至節度
使協策立耶律淳淳死復歸天祚知天祚必亡率鐵騎
二百西遁會西鄙七州十八部王諭以興復事得精兵
萬餘假道回鶻所過敵者勝之降者安之兵行萬里歸
者數國至起兒漫羣臣共聞立爲帝保大五年二月五
日也改元延慶號曰天祐皇帝越三年班師東歸得善
地建都號虎思斡魯朵虎思有力稱斡魯朵宮帳名

也改爲康國元年十年卒在位二十年廟號德宗子夷
列幼大石妻蕭氏稱制號感天太后改元咸清凡七年
夷列立改元紹興十三年卒廟號仁宗子幼夷列妹普
速完稱制號承天太后改元崇福普速完通於其夫駙
馬蕭朶魯不之弟朴古只沙里出駙馬爲東平王羅織
殺之駙馬之父斡里刺以兵圍其宮射殺普速完及朴
古只沙里其稱制凡十四年夷列次子直魯古立改元
天禧立三十四年乃蠻王屈出律設伏伺其出獵擒之
而據其位遂襲遼衣冠尊直魯古爲太上皇侍以終身
自大石至直魯古幾九十年世號西遼云

樂史新編卷一百九十二

英何立如示臨興十三卒... 俄俄大日... 列傳一百三十五

明南京戶部主事莆田柯維騏編

遼國下

耶律曷魯字控溫一字洪隱... 謀阿保機信任之事必諮而後行... 其壘說降之常贊阿保機得聖人符瑞... 命曷魯總軍國事以討平刺葛之亂... 民更兵燹頗抗敝曷魯緝有方畜牧繁滋國以富庶... 兵威益振拜為阿魯敦干越阿魯敦者盛名也自是伐

西南夷皆為先鋒及圍幽州還得疾卒遼主悼甚葬為立石紀功又為立祠上京開國凡二十一功臣各有所擬以曷魯為心以蕭敵魯為手以阿古只為耳蕭敵魯兄阿古只弟皆北府宰相也他如耶律斜涅赤為北院夷鹵董其姪老古為右皮室詳穩並在功臣列老古弟頗德為南院夷鹵董以彊直見重云

韓延徽字藏明幽州人刺史夢殷之子仕梁為本州觀察度支使出使為阿保機所留召與語合旨立命參軍事延徽為畫策攻下諸部落漢人降者樹城郭立市墾以居又定配偶教墾藝生養之以故少逃亡一日亡歸阿保機如失左右手已復走遼曰忘親非孝棄君非忠故去而復來阿保機大悅即命為守政事令崇文館大學士當初元草創凡營建禮儀百度井井皆其力也天贊四年以同破渤海功拜左僕射又與康默記攻長嶺府拔之延徽在佐命功臣列歷事德光阮累官封魯國公南府宰相致仕卒贈尚書令世為崇文令公子德樞孫紹芳裔孫資讓並窮極爵位紹芳之兄紹勳官東京戶部使會大延琳叛被執不屈賊以鋸解之憤罵至死康默記本名照少亦漢人也為薊州衙校阿保機侵薊州得之愛其才以隸麾下一切蕃漢事折衷悉合旨時

諸部新附文法未備默記推析律意人人自以爲不寬
拜左尚書後爲皇都夷董累有軍功在功臣列孫延
壽以功至保大軍節度使

高模翰一名松勃海人有膂力善騎射阿保機平渤海
模翰避地高麗王妻以女因罪亡歸坐使酒殺人繫獄
阿保機知其才貴之德光援石敬瑭挫唐兵連下諸州
實模翰統師德光曰朕自起兵百餘戰卿功第一乃授
上將軍及晉背盟出師南伐下關南城邑數十又屢敗
杜重威之師德光獎曰朕憑高觀兩軍接戰見卿勇
如鷹逐雉兔當圖形麟閣也爵後裔及重威降德光

模翰自太傅加特進檢校太師封忻郡開國公
院及瑋官至中臺省左相先是召爲右相東京父老皆
歡迎嘆爲鄉里朱論者謂功名始終爲時良將云同時
有趙思溫者字文美盧龍人初爲晉王李存勗驍將降
遼累立戰功至臨海軍節度使加檢校太師贈太師魏
國公二子俱至使相

張礪磁州人初仕唐爲翰林學士會遣將討石敬瑭援
張敬達以礪爲招討判官敬達敗礪入遼德光見礪剛
直有文彩如其本國官之礪臨事必盡言無所避由是
益見重未幾亡歸追之還德光責之對曰臣不習北方

宋史紀事本末卷之九十一
土俗飲食居處常鬱鬱德光顧通事者曰朕嘗戒善遇
此人乃令失所耶杖之而謝礪會同初擢翰林承旨兼
吏部尚書從德光入汴滅晉諸將蕭翰等肆殺掠遠近
思叛翰被命爲節度使守汴礪奏宜用中國人以安人
心德光不聽翰聞而怨之改右僕射兼門下侍郎平章
事德光卒于灤城礪在恒州翰以兵逼脅而數其離間
勳戚之罪曰今必殺汝趣令鎖之礪抗聲曰國家大體
安危所繫我實言之欲殺即殺何鎖爲翰不果殺是夕
礪悲憤卒

耶律吼字曷魯端懿好施不事生產德光特加倚任會
同六年爲南院大王燕事精簡人不敢以年少易之從
伐晉入汴諸將皆取內帑珍異吼獨取馬鑑德光立于
途無遺詔軍中咸憂懼吼詣北院大王耶律注議曰天
位不可一日曠若請於太后恐屬李胡暴戾殘忍詎能
子民必欲厭人望則當立永康王注然之會宿衛耶律
安搏來議與吼合且贊其決吼與注整軍召諸將令曰
永康王人皇王之嫡長天人所屬當立有不從者以軍
法從事諸將皆曰諾永康王既立吼以功加採訪使賜
以寶貨吼辭曰臣位已高敢復求富臣族子坐事籍沒
陛下見原臣受賜多矣許之仍賜宮戶五十時有取當

世名流作七賢傳者吼與其一年僅三十九卒吼之被
賜擢也注亦賜宮戶五十拜于越安搏賜奴婢百口仍
宿衛又拜北院樞密使其功同也厥後安搏事頗縱弛
察割兵犯主帳不能討為中外所短應曆中以前定策
故不復委用竟坐誣下獄死

耶律屋質字敵輦性簡靜有器識重然諾遇事造次從
容處之人莫能測又博學諳天文會同間為惕隱當迷
律與李胡率兵拒永康王阮于潢河屋質實從白曰太
后宜息長策盡與約和因遣屋質授書於阮責其自立
阮遣質微使耶律海思復書辭多不遜屋質諫曰大王

與太后相見先遣海思往往返數日議始定既相見怒
言交讓殊無和意屋質復委曲辨論各回其不平心述
律謂屋質曰和議定神器將安歸屋質曰太后若授永
康王順天合人李胡猶不從屋質曰公暴戾殘忍萬人
怨讟咸願立永康王不可奪也述律然之遂罷兵臣僚
咸屬先為李胡所執者竝獲免天祿二年耶律天德等
謀為亂屋質奏不宜輒恕即委訊天德伏誅三年表列
泰寧王察割陰謀事不聽五年察割果行弒屋質協辦
討賊遣弟冲迎立壽安王璟既立命屋質知國事盡以

逆黨財產賜之屋質固辭應曆五年為北院大王總山西事保寧初帥兵援太原拒宋師以功加于越明年卒年五十七子唐古事宗真至節度使積粟練兵邊境晏然上疏乞勒父功于石從之屋質同時有耶律撻烈者為南院大王俱有政迹朝議以為富民大王云海思應曆末坐謀叛死獄中

耶律賢適字阿古真于越曾不古之子嗜學有大志于越屋質器之事遼主璟及賢累有功歷節度使北院樞密使兼侍中兩賜功臣號賢適忠介膚敏推誠待人雖無息不忘政務故百司罔敢媮墮累年滯獄悉決遣大

高勳等席籠納賂門若賈區賢適以聞不報謝辭職又不允令鑄手印行事乾亨初得請封西平郡王同時有郭襲者性端介識治體保寧中為南院樞密使加兼政事令上書諫罷游獵為生靈社稷計被獎賜協贊功臣拜武寧軍節度使卒

耶律隆先字團隱東丹王倍之子阮之弟也倍小字圖欲讓國奔唐事在德光傳中唐明宗以莊宗后夏氏妻之賜姓東丹名慕華改姓李名贊華歷拜節度使鎮滑州性卞急婢妾微過輒剗灼夏氏懼求削髮為尼倍後為李從珂所害子阮有國謚曰讓國皇帝後累加謚廟

號義宗隆先保寧元年封平王既又兼政事令留守東京薄斂省刑薦賢恤下同討高麗有功還卒隆先爲人聰明博學能詩有閨苑集行世弟道隱性沉靜有文武才歷南京留守號令嚴肅民獲安業封至荆王追封晉王隆先子陳哥與渤海官屬謀弑父事覺車裂之

耶律合住字粘袞遼主近族也知而有文曉暢戎政每從征有功保寧中宋師屢警拜涿州刺史西南兵馬都監招安巡檢使務鎮靜不妄邀功嘗領數騎徑詣雄州北門與郡將立馬陳兩國利害與周師侵邊本末辭氣慷慨左右壯之自是疆圉數年無事識者謂合住一言實於數十萬兵既而宋遣人結驩合住爲達和意邊睦鄰其力居多

室昉字夢奇幽州人自少謹厚篤學不出外戶者二十一年會同初第進士歷仕天祿應曆保寧間爲翰林學士南京副留守累遷樞密使兼北府宰相加同政事門下平章事統和初告老不許進尚書無逸篇以諫是時昉與韓德讓耶律斜軫相友善同心輔政釐析蠹弊知無不言務在息民薄賦以故法度脩明朝無異議八年昉復請致政詔入朝免拜賜几杖封鄭國公加政事令病授中京留守加尚父卒贈尚書令遺言戒厚葬恐人

齊過情自志其墓云德讓斜軫當宋遼爭衡之際摧鋒
略地皆為名將斜軫歷北院樞密使加守太保從承天
南伐卒于軍中德讓賜姓名耶律隆運後拜大丞相封
齊王改晉王總二樞府事卒贈尚書令謚文忠

邢抱朴應州人刑部郎中簡之子與弟抱質幼孤受經
于母陳氏後皆以儒術顯抱朴仕保寧統和間歷戶部
尚書翰林學士承旨拜參知政事奉詔按覈諸道守令
能否大協人望兩決南京滯獄人無冤者改南院樞密
使贈侍中抱質亦至侍中時人榮之陳氏貞靜柔順母
儀兼備其卒也詔刻石表其行遣使諭祭云

得臣幽州人好學博古善屬文尤長於詩立朝以正
直稱統和初自翰林學士承旨兼侍讀學士又兼諫議
大夫知宣徽院事上書引貞觀開元事以勸睦親講學
及罷毬馬之戲隆緒嘉歎良久卒贈太子太保同時有
蕭抃者亦起身文學事在宗真傳中終南院樞密使封

魏王卒贈齊王

耶律休哥字遜寧祖父俱顯休哥初為揚隱當應曆乾
亨間適宋太宗滅漢乘潘美銳師長驅取燕遼將屢敗
獨休哥高梁之戰大捷明年瓦橋之戰又捷遼主獎之
曰尔勇過於名拜為于越統和初命總南面軍務以便

宋史紀事本末卷一百九十一
宜從事休哥均戍兵勸農桑疆境大治四年宋復遣曹
彬等分道來伐休哥大敗之于岐溝事詳遼主傳中休
哥收岐溝宋屍爲京觀封宋國王未幾又兩敗宋師自
是宋寢圖燕志矣休哥以燕民疲弊加意振恤戒戍兵
無犯宋境馬牛逸于北者悉還之遠近向化邊氓按堵
十六年卒詔立祠南京休哥料敵如神每讓功諸將故
人樂爲之用身更百戰未嘗殺一無辜二子高八至節
度使高十終于越孫馬哥亦至節度使

耶律海里字留隱天祿察割之亂其母的魯與焉遣人
召海里海里拒之亂平的魯以子故獲免海里儉素不
喜聲利以射獵自娛雖居閒人敬之如貴官然保寧間
自節度使遷惕隱秩滿稱疾不仕久之復爲南院大王
同諸將禦宋師有功賜資忠保義匡國功臣遼主屢親
征海里在南院十餘年鎮以寬靜戶口增給封郡王遷
上京留守卒以家貧給葬具

蕭繼先字楊隱尚主拜駙馬都尉歷事隆緒拜北府宰
相繼先雖處富貴不改儉素所至以善治稱故將兵攻
戰未嘗失利名重戚里

張儉宛平人統和十四年進士第一調雲州幕官端慤
達世務故事遼主出幸州邑長吏當有獻是時隆緒獵

雲中州節度使奏臣境無他產惟幕僚張儉一代之寶
敢以為獻隆緒嘗夜夢四人侍側賜食人二口至聞儉
名悟而召之占奏三十餘事稱旨遂加顧遇踐清華太
平六年拜左丞相封韓王未幾受遺詔輔嗣君宗真既
卽位賜儉貞亮弘靖保義守節耆德功臣拜太師中書
令加尚父徙王陳儉衣惟絀帛食不重味俸餘以周親
舊宗真憐其貧命恣取內府物儉惟持布三端而出又
欲賜其弟五人進士第儉固辭在相位二十年裨益為
多年九十一卒

耶律鐸軫字敵輦仕統和開泰間多戰功至節度使及
聖恩得効駕力萬死不能報國又將何求隆緒愈重之
手書其衣裾曰勤國忠君舉世無雙

蕭孝穆小字胡獨董女主稱斤之弟孝先孝友之兄也
歷官北府宰相南京東京留守北院樞密使嘗累將兵
御敵討叛有功兩賜功臣號進封吳王重熙九年徙王
楚時四方無事戶口蕃息遼主宗真欲一天下謀取三
關集羣臣議南院樞密使蕭惠贊之曰宋人西征有年
師老民疲陛下親帥六軍臨之其勝必矣宗真以為然
孝穆歷歷述祖宗興兵結好之利害以諫且曰宋人無

先史系統卷之三十三
罪不可棄先帝盟約不聽以老乞骸骨不許更王齊卒
贈大丞相晉國王謚曰貞孝穆雖以貴戚重然始終廉
謹循禮法妻子亦無驕色宮中每有賜輒辭所薦拔皆
忠直士時大臣多親細務失大體洽襲已久孝穆語人
曰樞密選賢而用何事不濟又曰不能移風易俗偷安
爵位臣子之道如是乎時稱爲國寶臣目其文曰寶老
集子阿刺撒八阿刺字阿里歷駙馬都尉北院樞密使
累封陳王與蕭革同掌國政革諂不法阿刺爭之不
得告歸遼主洪基自是惡阿刺竟爲革中傷縊殺之阿
刺性忠果曉世務有經濟才議者謂阿刺若在必無遼
元乙辛之亂撒八字周隱尚主歷北院宣徽使重熙末
出爲西北路招討使武寧郡王撒八持行類其父居官
以治稱卒追封齊王

孝先字延寧尚主歷北院樞密使封楚王耨斤弑齊天
謀廢立孝先皆預聞竟以耨斤故免譴重熙四年徙王
晉爲南京留守卒謚忠肅孫得里底爲樞密使坐誤國
死語在天祚傳

孝友字撻不衍歷北府宰相上京東京洛京留守拜中
書令加尚父累賜功臣號進封豐國公坐子胡覲與重
元作亂伏誅胡覲尚主歷同知北院樞密事事敗投水

死五子同日誅之

劉六符河間人唐盧龍節度怱之六世孫曾祖守敬祖景皆仕遼爲南京留守景忠實優文學終武寧開遠二節度使兼侍中父慎行初歷北府宰相多匡救終彰武軍節度使六符與兄三叔四端先後第進士六符重熙初擢翰林學士同北院樞密副使耶律仁先使宋宋竟增歲幣易十縣定名曰歲貢語在富弼傳加同中書門下平章事宋幣至命爲三使受之或言六符受宋賂出爲長寧軍節度使已復召爲三司使卒論者謂六符啓釁邀功玷其門閥云按伐宋取十縣實樞密使蕭惠統兵且嘗贊其議語在蕭孝穆傳及增幣惠以首功進封韓王後伐夏大衄亦不之罪致仕封魏王歲時賜賚不絕惠與六符其失均然惠以廉名

楊佖字正叔幽州人進士第一開泰中累遷翰林學士文章號得體燕饑疫多流殍以佖同知南京留守事發廩振乏鬻子者計傭出之重熙中歷參知政事兼知南院樞密使復出爲武定軍節度使時久旱苗槁佖視事之夕雨沾足百姓喜而歌之灤陽水失故道以已俸創長橋人不病涉及被召郡民攀轅泣送遼主御殿宴勞之卽日除吏部尚書兼門下侍郎同中書門下平章事

宋史新編卷一百九十三
信以進賢爲已任事總大綱責成百司人人樂爲之用
致政卒有登瀛集行于世

耶律韓八字嘲隱布衣時隆緒微服出獵遇與語識其
才會北院奏南京疑獄久不決卽召韓八以審錄委之
朝士皆愕韓八量情處理人無冤者自是頗信任宗真
立歷左夷離畢北院大王忠謹多補益死之日篋無蓄
蓄施無新衣官給葬具平生不屑細務喜愠不形嘗失
所乘馬僮以同色者代之數月不覺

蕭韓家奴字休堅中書令安搏之孫少好學博覽通達
漢文字爲彰愍宮使宗真與語才之命爲詩友嘗從容
問曰卿居外有異聞乎對曰臣惟知炒栗小者熟則大
者必生大者熟則小者必焦使大小均熟始爲盡夫蓋
嘗掌栗園故託以諷諫宗真大笑宗真制問省徭補役
恤民弭盜之策韓家奴對千餘言人曰遼之晁董也擢
翰林都林牙兼脩國史暇日飲酒賦詩相醜酢君臣相
得無比上疏請倣唐高祖之制尊阿保機之父以上四
代爲皇帝於是始行追冊二祖之禮有司奏獵秋山熊
虎傷死數十人宗真見韓家奴書于冊命去之旣出復
書他日宗真見之曰史筆當如是宗真問祖宗以來孰
爲賢主韓家奴曰穆宗賢宗真不以爲然韓家奴對曰

穆宗雖暴虐省徭輕賦人樂其生無罪被戮未有過今日秋山傷死者其每事規諷如此與耶律庶成兩被詔錄遙輦可汗至重熙事迹二十卷自天子達於庶人制爲典禮三卷又詔譯諸書韓家奴譯通曆貞觀政要五代史欲其知古今成敗也拜歸德軍節度使以善治聞遣使問勞召脩國史卒有六義集十二卷行于世蕭陶隗字烏古隣宰相轄特六世孫咸雍初任馬群太僕陶隗素知群牧名在實亡悉閱舊籍除其羸病錄實數奏爲定式太康中累遷契丹行宮都部署耶律乙辛有寵於洪基已害儲嗣濬因薦宗室淳陶隗諫曰有寵在不可以國與人洪基嘗謂群臣曰北樞密院久闕律阿思蕭幹特刺二人孰愈群臣各譽所長陶隗獨默然洪基詰之對曰幹特刺懦而敗事阿思才而會將爲禍基不得已用敗事猶勝基禍不聽卒用阿思阿思銜之九年出爲西南面招討使阿思陰與蕭阿忽帶誣奏其縱賊當死詔免官久之起爲節度使未行疽發背卒陶隗剛直負氣怒則須髯輒張每有大議必毅然決之雖遼主有難色未嘗遽已見權貴無少屈故得罪云耶律仁先字紉鄰南府宰相瑰引子也魁爽有智略受知宗真仁先以爲不世遇言無所隱使宋鎮邊皆有功

歷北院樞密使東京留守封吳王洪基立兩為南院樞密使更王許清寧七年洪基獵太子山太叔重元與其子涅魯古等謀逆洪基趣仁先捕之未及介馬重元兵犯帷宮洪基欲走北南院仁先曰若舍扈從而行賊必躡其後且南北大王心未可知仁先子撻不也曰聖意豈可違乎仁先怒擊其首洪基悟悉委仁先討賊事仍環車為營折行馬為兵仗率官屬三十餘騎陣柅外及交戰賊衆多降涅魯古中矢墮馬斬其首重元被傷而退仁先以五院部蕭塔刺所居最近亟召之分遣人集諸軍黎明重元復率奚人二千犯行宮蕭塔刺其適至仁先料賊勢不能久俟其氣沮攻之乃背營而陣乘機奮擊賊衆奔潰追殺二十餘里重元與數騎遁去洪基執仁先曰平亂皆卿之功也加尚父進封宋王為北院樞密使詔畫灤河戰圖以旌之咸雍元年加干越改封遼王與耶律乙辛共政乙辛恃寵不法仁先抑之由是見忌出為南京留守改王晉恤孤惻禁奸慝議者以為自干越休哥後惟仁先一人而已弟義先信先義先性剛直有禮法歷拜惕隱封郡王信先終南面林牙義先直嘗以其父瑰引為刺血友故信先自幼養于宮父以信先請得封燕王撻不也至節度使太康中為西南

招討使阻卜誘殺之

耶律玦字吾展重熙十年爲樞密副使咸雍初兼北院副部署及遼主弟秦國王爲西京留守請玦爲佐歲中獄空者三召爲敞隱玦不喜貨殖洪基知其貧賜宮戶十嘗謂宰相曰契丹忠正無如玦者漢人則劉伸而已然熟察之玦優於伸同時節度使耶律僕里篤知興中府亦以獄空聞所至皆稱職云

劉伸字濟時宛平人第進士爲大理正因奏獄宗真道與近臣語不顧伸進曰臣聞自古帝王必重民命願下省臣之奏宗真大驚異伸明法而恕歷大理卿西京留守又提點大理寺凡冤獄全活者衆及爲崇義軍節度使政務簡靜民且不擾致烏鵲同巢之祥優詔褒之改戶部使歲入羨錢三十萬拜參知政事與北院樞密使耶律乙辛忤乙辛排詆出之終崇義軍節度使致仕適燕薊民饑伸與致仕趙徽韓造日濟以糜粥所活不勝筭其卒也洪基悼甚贈賻加等

耶律儼字若思析津人世姓李父仲禧咸雍中爲樞密使賜國姓封韓國公嘗黨耶律乙辛陷儲君濬云儼第進士歷景州刺史有善政郡人刻石頌之改御史中丞平反滯獄歷山西路都轉運使刮剔垢弊壽隆初自樞

密直學士拜參知政事洪基晚年倦勤用人不能自
令各擲骰子以采勝者官之儼得勝采洪基曰上相之
徵也累知樞密院事賜經邦佐運功臣封越國公備大
丹累朝實錄七十卷受顧命立天祚累封郡王卒贈尚
父謚忠懿儼博學廉介一芥不取於人獨惜以非道固
寵妻邢豔出入禁中戒勿失上意世以此哂之

蕭巖壽乙室部人為人廉直常面折廷諍無所忌大康
初為北面林牙密奏北院樞密使耶律乙辛忌皇太子
頊政日與張孝傑相過從恐有陰謀動搖太子時乙辛
乙辛後罪賜死洪基頗悟出乙辛為上京留守命乙辛

生日洪基遣人賜物為壽乙辛因私屬為白曰臣見
人在朝陛下孤危身雖在外竊用寒心洪基遂疑巖壽
聞之而召乙辛仍流巖壽于烏隗路終身拘作未幾誣
巖壽與謀廢立事執還殺之天祚立贈同中書門下平
章事繪像殿中

耶律撒刺字董隱南院大王阿魯古之孫性忠直沉厚
歷契丹行宮都部署太康二年洪基詔百官廷議欲召
還耶律乙辛撒刺三進諫不納乙辛既入讓撒刺曰與
君無憾何獨異議對曰此社稷計何憾之有乙辛竟誣
與蕭速撒等同謀廢立殺之語在洪基傳天祚立追封

漆水郡王繪像殿中

蕭速撒字秃魯性沈毅歷北院樞密使嘗立軍功及經略邊事稱旨太康二年耶律乙辛權寵方盛附麗者多至通顯速撒未嘗造門乙辛銜之誣以首謀廢立殺之語任洪基傳速撒尸諸原野盛暑色不變烏鵲不敢近天祚立追封蘭陵郡王繪像殿中

耶律撻不也字撒班林牙高家之子累功遷至北院宣徽使耶律乙辛謀害太子撻不也知其姦欲殺乙辛及其黨蕭特里得蕭十三等乙辛覺誣以廢立事蕭撻不也字幹里都王高九之孫歷駙馬都尉漢人行宮都

署與耶律撻不也善乙辛嫉之弁誣以廢立同元殺天祚立竝追封郡王繪像殿中又有蕭忽古者字阿斯性忠直趨撻有力為護衛官屢欲殺乙辛等乙辛知而械繫之考劾不服流于邊及速撒獄成濬廢召忽古殺之天祚立贈龍虎衛上將軍又有耶律孟簡者字復易于越屋質五世孫節度劉家奴之子優詞學當乙辛出為留守也孟簡與耶律庶箴表賀未幾乙辛召還舊職流孟簡保州孟簡雖放逐以道自安太康中始得歸鄉里擢至昭德軍節度卒

蕭兀納一名撻不也字特免太康初為北院宣徽使時

分史系紀卷二百九十三
耶律乙辛已害儲君濬又欲害其子燕王延禧而以宗
室子淳爲請兀納諫不可以國與人洪基猶豫不決五
年洪基出獵乙辛請留延禧母行兀納奏曰聞將留皇
孫臣請侍左右恐有他變洪基始疑乙辛卽併淳等出
之以兀納同知樞密使封蘭陵郡王授殿前都點檢謂
侍臣曰兀納忠純屋質立穆宗無以過也卿等宜達燕
王知自是令兀納輔導益見優寵大安初詔尚主固辭
壽隆初拜北府宰相兀納數以直言忤燕王及嗣位出
兀納爲節度使守太傅坐讒奪官旣又歷東北路統軍
使前後數上書言女真有輕朝廷心宜早爲備又言女
真其志非小宜及其未發舉兵圖之不聽他日同知南
院樞密使事蕭陶蘇幹亦慮女直難制如兀納言亦不
聽蓋北院樞密使蕭得里底排其議也兀納嘗因敗軍
免隨以拒叛臣耶律章奴功授副元帥終契丹都宮使
兀納近古社稷臣言皆剴切惜天祚不能用云陶蘇幹
後以太子太傅致仕

大公鼎渤海人咸雍十年第進士調瀋州觀察判官遼
東大雨水北樞密院大發瀕河丁壯以完隄防公鼎曰
邊障甫寧大興役事非利國便農之道奏罷役水亦不
爲災改良鄉令勸農興學部民服化徙長州錢帛都提

點拒公主假貸曰豈可徇人情廢官守耶俄拜大理卿
多平反天祚立歷東京戶部使盜殺留守蕭保先因而
倡亂民亦互生猜忌家自爲鬪公鼎單騎行郡陳以禍
福衆皆投兵而拜曰是不欺我敢弗聽命安輯如故拜
中京留守賜貞亮功臣時盜賊充斥有遇公鼎于路者
卽叩馬乞自新公鼎給以符約俾還業聞者接踵而至
不旬日境內清肅加賜保節功臣公鼎以人心反側慮
生變請布恩惠以安之爲之肆赦累表乞歸不許會奴
賊張撒八率無賴嘯聚公鼎欲擊而勢有不能嘆曰吾
欲謝事久矣爲世故所牽不幸至此豈命也夫憂憤成
疾卒遼世能更有蕭文馬人望王棠楊遵助耶律鐸性
公鼎爲稱首

蕭札刺字虛輦北府宰相排押之弟性介特不事生業
歷寧遠軍節度使秩滿里居淡泊自適隆緒累召擢輒
以疾辭遂入頡山築室杜門不談時務人目曰頡山老
人云其後有耶律官奴者字奚隱林牙幹魯之孫沈厚
多學重熙中爲宿直將軍以疾免旣而宗真兩命爲節
度使輒請致政官奴與蕭哇女善謂之二逸哇謂官奴
曰仕不能致主澤民成大功烈何屑屑爲也吾與若居
林下以枕簟自隨觴詠爲樂雖不官無慊焉又有蕭蒲

身史系編卷一百九十三
三
高不者字椽懶魏王惠四世孫少失怙恃能力學於文
藝無不精天祚召欲官之皆以疾辭或勸之出以嗣先
世功名曰吾年踰強仕安能益主庇民乎晚年謝絕人
事卜居林古山超然自得論者謂遼委權優寵之臣不
出宗室與后族其間不淫於富貴不詘於聲利若札刺
等三人者不亦卓乎

耶律中爲五院都監天祚末金兵徇地嶺西盡徙其民
中死之韓慶民爲宜州節度使金兵破宜州慶民死之
遼亡死事之臣他無所於考烈婦可考者四人中與慶
民之妻與焉方中被召爲都監謂妻椽蘭蕭氏曰我當
以死報國汝能從乎對曰謹奉教及中死椽蘭躍馬至
中死所自殺慶民妻不知其姓氏慶民死金人以妻配
將士妻誓死不從遂自殺又其一則蕭意辛乃陶蘇幹
尚主所生女耶律奴之妻也奴與樞密使乙辛有隙被
誣流烏古部洪基念意辛主女欲使絕婚意辛辭曰夫
婦之義生死以之臨難乖離於禽獸何異乞與奴偕行
卽死無恨從之意辛同奴在貶所久禮敬有加于舊洪
基嘉其節召舉家還子國隱事天祚保大中意辛在臨
漢謂諸子曰吾度盧彥倫必叛汝輩速避我當死之賊
至遇害又其一則蕭訛里乃國舅字董之女耶律木者


之妻也木者登朝早訛里極衣毀既葬謂所親曰夫
婦之道如陰陽表裏無陽則陰不能立無表則裏無所
附妾亦何聊賴耶侍婢慰勉竟無同意自刃而卒

遼之境土內有五京六府上京道曰臨潢府即古遼東
郡東京道曰遼陽府即古朝鮮國中京道曰大定府興
中府即古遼西郡斯皆自唐以來契丹所有也南京道
曰析津府即古燕國西京道曰大同府即古雲中郡斯
皆德光援立石晉所得也州軍城百五十有六縣二百
有九東至海西至金山暨流沙北至臚胸河南至白溝
步萬餘里內之部族拔里乙室巴國舅石烈等凡五十
有四外之屬國女真突厥吐蕃奚室韋吐谷渾党項等
凡五十有九部族分鎮邊圉寔爲爪牙屬國朝貢無常
或有期會及下令專征不從者討之助軍多寡隨其便
無常額境內之民以畝牧爲稼穡故以兵馬爲徭賦勝
甲冑者盡籍爲兵每兵一馬三器仗皆自備馬逐水草
人仰漣酪挽強射生以給日用官無芻糧之費一有徵
發卯命辰集居有宮衛謂之幹魯采出有行營謂之捺
鉢自禁軍而下爲名二十餘九重者皮室屬珊二軍各
隸以精兵數十萬凡二帳十二宮一府并五京有兵一
百六十四萬部族屬國之兵不與焉分地牧馬屯田積

粟坑冶鑄錢又有關市之征鹽鐵之利雖頻歲軍興四
時遊獵而調度不乏號稱富強其設官之制改夷高董
爲大正分爲北南院宰相樞密以至郎君護衛皆分北
南然皆謂之北面也北南宰相兼總庶務北樞密視兵
部南樞密視吏部北南二大正視戶部夷離畢視刑部
宣徽視工部敵烈麻都視禮部曰惕隱者典族屬也曰
林牙者典文翰也曰詳穩者將領之別名也曰于越者
坐而論議象公師不輕授也是謂國制後得燕代十六
州復設南面三師三公三省六部臺院寺監東宮王傅
及諸衛點檢指揮諸州節度觀察防禦刺史縣令分佈
五京是謂漢制宮帳部族屬國之政北面主之漢人州
縣租賦軍馬之政南面主之雖參用漢人然其國任事
則惟宗室耶律外戚蕭氏二族而已武事旣振文治漸
興祀功德則建孔子廟崇學術則開進士科設黃麾六
軍之仗制百凶軍賓嘉之禮及雅樂大樂散樂鐃歌鼓
吹樂皆唐晉之舊曆法初用乙未曆本何承天後用大
明曆本祖沖之然與宋曆閏朔間有異焉乃哲遼主與
南面漢宮用漢服女后與北面契丹臣僚用國服女后
習射御便鞍馬畋獵軍旅未嘗不從有事神祇亦同展
祀禱雨射柳或先祭而後射或先射而後祭謂之琴瑟

儀出師以閃還師以俘縛置所向之方亂矢射之以被
不祥謂之射鬼箭遼主每歷十二歲擇季冬日於禁中
除地設再生室母后室及先主神輿倒植三岐木其日
羣臣迎國主入室釋服跣足以童子從三過岐木之下
室中人呼曰生男遂拜先主宴羣臣謂之再生儀與所
謂祭山儀柴田儀春夏避暑秋冬違寒暨歲序雜儀又
本國樂諸國樂斯皆循襲其故俗耳至於刑辟雖參漢
制然炮烙車轆投厓砲擲梟磔生瘞支解剖心乞遼世
莫之能革蓋武猛殘忍之性然也遼之政俗此可見其
弊云

論曰阿保機滅諸酋而得國見於歐陽五代史及朱子
綱目其說皆同遼史乃謂受禪於痕德堇可汗臣爲君
諱胡可信也阿保機威行大漠志窺中國德光繼之遂
奄有燕雲虜晉帝子孫襲其富強數寇掠邊鄙自非有
宋之隆寧能沮雄心而保信誓乎第忍恥結成歲輸五
十萬計國體旣損大農之費亦不可支斯徽宗所以乘
天祚之隙協謀千金以甘心也雖然遼未亡則金不能
爲宋患以烏喙療飢可言智哉



宋史紀事本末卷一百一十三

卷一百一十三

